



UNIVERSITÄTS-
BIBLIOTHEK
PADERBORN

Lingva Avrea Christianorvm

Ruben, Leonhard

Padibornae, 1606

Qvo In Loco Tacendvm Et Silendum.

Nutzungsbedingungen

[urn:nbn:de:hbz:466:1-56433](https://nbn-resolving.org/urn:nbn:de:hbz:466:1-56433)

QVO IN LOCO TACEN-
DVM ET SILENDVM.

CAPVT XLVIII.

*Silentium in cœnobijs, Ecclesijs, aut templis,
dormitorio, & cœnaculo, & clau-
stro seruandum.*

*Cœnos-
bium
silentij
locus.*

PRimò, optimus locus silentij
est cœnobium, quantum enim
silentium seruatum sit in monaste-
rio Talennensi & in Aegypti mo-
nasterijs docuimus superiùs capit.
34. num. 1 de quibus locis, & simili-
bus dici meritò potest id, Ier. 8. 14.
*Quare sedemus? conuenite & ingre-
diamur ciuitatem munitam, & silea-
mus ibi. Quia Dominus Deus noster
silere nos fecit, & potum dedit nobis a-
quam fellis: peccauimus enim Domi-
no. Aquam fellis & amaritudinis
potum habent, qui cum Ezechia
dicunt. Isa. 38. 15. Recogitabo tibi o-
mnes annos meos in amaritudine ani-
me meae. Et cum Dauide Psalm. 101.
10. Cinerem tanquam panem man-*

ducabam,

ducabam, & potum meum cum fletu
 miscebam, à facie ira & indignationis
 tue. Quòd facere debent boni re-
 ligiosi in cellis suis.

Secundò, in templo, Ecclesia ^{Temo}
 & choro, in quo in sacra scriptura ^{plum}
 iubentur in primis tacere mulieres ^{quoq;}

1. Cor. 14. 34. 35. 36. 1. Tim. 22. 11.
 vt suprà docuimus cap. 35. num. 1.
 Et religiosi vt cap. 46. num. 1. De-
 mum omnis terra. Hinc Habac. 2.
 20. Dominus in templo sancto suo, si-
 leat à facie eius omnis terra, & ma-
 ximè os hæreticorum, qui negant
 eum ibi esse in sanctissimo sacra-
 mento, & vt adoretur, cum D.
 Paulus Heb. 1. 5. Christi Domini
 mentionem faciens & de cœlesti
 eius patre loquens, dicat, Ego ero il-
 li in Patrem & ipse erit mihi in fi-
 lium. Et cum iterum introducit pri-
 mogenitum in orbem terra, dicit. Psal.
 96. 8. Et adorant eum omnes angeli
 argeli Dei. Vide etiam quæ ex Cas-

fiano adduximus capit. 34. num. 1.

In cœna
lo.

Tertiò, huc refertur quòd in cœlo cùm Apoc. 8. 1. angelus aperuisset septimum sigillum, factum sit silentium per mediæ horæ spacium.

Quartò, ex sententia D. Hieronymi in dormitorio, cœnaculo, & clauastro monasterij, vt ostendimus capit. 36. num. 1. ex eodem doctore.

CAPVT XLIX.

In mensa, conuiujs publicis, & medio senum, & insensatorum habendam taciturnitatis rationem.

Lector
mensæ

QVintò, in mensa id seruandù, cuius & mentio fit apud D. Hieronymum, in loco citato. Cui adde D. Benedictum in cap. 38. regulæ suæ, cùm enim ostendisset lectionem sacram mensæ adhibendam à lectore, inquit. Summumq; fiat silentium ad mensam, & nullius mussitatio, vel vox nisi

solius legentis ibi audiatur. Quàm rigide verò hoc ante mille ducentos & ampliùs annos in primitiuis cœnobitis obseruatum sit: Sic tradit Cassianus libr. 4. de institutis renunciantium cap. 17. toto, cùm inquit. Illud autem vt reficientibus fratribus sacræ lectiones in cœnobijs recitentur, non de typo Aegyptiorum processisse, sed de Cappadocum nouerimus. Quos nulli dubium est non tam spiritalis exercitationis causa, quàm compescendæ superflue, otiosæq; confabulationis gratia, & maximè contentionum, quæ plerumq; solent in conuiujs generari, hoc statuere voluisse; videntes eas aliter apud se cohiberi non posse. Apud Aegyptios enim, vel maximè Tabennésiotas, tantùm silentium ab omnibus exhibetur, vt cùm in vnum tanta numerositas fratrum refectiois obtentu confederit,

Cappadocum
& Aegyptiorum
silentium
in mēsa.

nul-

*Aspe-
ctus in
mensa,
custos
dia.*

nullus nec mutire quidem audeat, præter eum qui suæ Decaniæ præest. Qui tamen, si quid mensæ superinferri vel auferri necessarium esse peruiderit, sonitu potius quam voce significat, tantaq; vescentibus eis silentij huius disciplina seruatur, vt cucullis vltra oculorum palpebras demissis, ne scilicet liber aspectus eorum habeat copiam euagandi & nihil ampliùs intueatur quam mensam, & appositos in ea vel quos ex ea capiunt cibos; ita vt quemadmodum, vel quantum reficiat alius, nullus inuicem notet.

Quàm rectissimè verò institutū fuisse silentium tēpore mensæ existimandum erit. Lingua enim quæ omni tempore ad loquēdum pro-na est, facilè ad peccatum labitur, maiori tamen & facillitate & periculo illi laxantur habenæ, vbi per crapulam inflammata fuerit. Hinc & Chilon Lacenicus dicere solitus

teste

teste Paulo Manutio lib. 2. Apoph.
linguã cum alijs semper tum præ-
cipuè in conuiujs continendam,
eo quòd illic cibus & potus inuitet
ad temperantiam. Et vbi plus est
periculi, ibi maior est adhibenda
cautio.

Sextum hīs accedit silentium in
conuiujs, in quibus id communi
fertur prouerbio. In principio si-
lentium; in medio stridor dentiū;
in fine clamor gentium. Verùm id
non acceptum à Philosophis Chri-
stianis, sed gentium. Huius rei ex-
emplum adduximus suprà cap. 27.
num. 2. de Xenocrate, cui adde
Lycurgum qui teste Plutarcho in
moralibus, legem statuit apud La-
cædemonios, vt publicæ conuiuia
ingrediētes qui natu erat maximus
singulis ostenderet fores, dicens:
per has nullus ingredietur sermo,
admonens temporis lociq; ratio-
nem in loquendo seruandam. Ze-

*In cō-
uiujs.*

Zeno
Cleitius.

no quoq; Cittiæus Ptolomæi legatis percunctantibus quid de illo regi renunciarent, ait: vidisse vos senē qui in conuiuio tacere nouit. Hinc Archidamidas cuidā qui vitio vertebat Hæcatæo Rhetori, quòd adhibitus ad illorum conuiuium nihil dixisset. Videris, inquit, mihi nescire, quòd is qui dicendi nouit artem, etiam dicendi non oportunitatem. Nam certe coram temulentis maiori laude silet eruditus quàm loquitur. Sic periti bellatoris est non minus scire fugiendi artem quàm pugnandi.

Septimus locus est, confessus seniorum: in quo tacendum maximè iunioribus, de quo Eccli. 7. 15. ita inquit. *Noli verbosus esse in multitudine presbyterorum.* Et cap. 11. 8. *Priusquam audias, ne respondeas verbum, & in medio seniorum ne adicias loqui.*

Octauus locus est in medio in-

senfa-

sensatorum. Vnde Ecclesiastici 27.
 13. *In medio insensatorum serua ver-
 bum tempori, in medio autem cogi-
 tantium, assiduis esto.* A quo non
 discrepat illud Ecclesiastici 22. 14.
*Cum stulto ne multum loquaris, &
 cum insensato ne abieris.*

Nonò, in omni loco silentiũ
 seruandum, vt patet ex capit. 47.
 num. 4. Ac proinde videndum est
 ne in posterum notemur ab Amos
 Propheta in omni loco violati si-
 lentij, cum inquit: cap. 8. 3. *Multis
 morientur, in omni loco proycietur si-
 lentium.*

TRADVNTVR QVATVOR-
 DECIM MEDIA QVIBVS
 taciturnitas acquiri possit.

CAPVT L.

1. *Consideratione difficultatis eius.*
2. *Cogitatio huius medij referenda ad Dominum.*
3. *Deus pro eo inuocandus.*

Hoc postremum est in ratione

tacitur-